

PETIKAN TITAH

"SALAH satu aspek mewajibkan kita bersabar ialah sabar dalam perkara mengtaati Allah seperti sabar dengan perkara-perkara halal, yakni yang halal dihalalkan dan yang haram di haramkan. Begitu juga yang makruf digalakkan,

**MANISNYA IMAN**

"SESUNGGUHNYA orang-orang yang beriman dan berhijrah serta berjihad pada jalan Allah dengan harta benda dan jiwa mereka adalah lebih besar dan tinggi darjatnya di sisi Allah dan mereka itu orang-orang yang berjaya." - Surah

Rabu

16 Februari, 2005
7 Muharram, 1426
Tahun 50 Bilangan 7

[Berita Utama](#)[Berita Ringkas](#)[Haluan](#)[Dari Sidang Pengarang](#)[Analisis](#)[Rencana](#)[Ekonomi](#)[Suara Dari Mimbar](#)[Menuju Keredaan Allah](#)[Teropong Pelita](#)[Bicara IT](#)[Minda Pembaca](#)[Remaja](#)[Belia](#)[Sukan](#)[Iklan-iklan Jawatan](#)[Kosong](#)[Iklan-iklan Tawaran](#)[Arkib](#)**TAHUKAH AWDA?**

MENURUT Education Order, 2003, Education (Parent-Teacher Association (PTA)) Regulations, 2004, 3. (1), setiap sekolah hendaklah menubuhkan sebuah Persatuan Ibubapa-Guru (PTA) yang terdiri daripada (a) semua guru yang mengajar di sekolah berkenaan, (b) ibu bapa murid-murid sekolah berkenaan dan (c) ketua guru atau pengetua sekolah yang akan menjadi ahli ex-officio dan Penasihat PTA. Antara matlamat PTA ialah menyediakan suatu forum dan perkhidmatan bagi kebajikan, pembangunan dan kemajuan murid; membantu dan pelengkap usaha sekolah memenuhi keperluan material dan aktiviti murid-murid; membolehkan

HALUAN

TITAH Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam sempena menyambut tahun baru Hijrah 1426 pada 9 Februari 2005.

KUASA ALLAH MELEBIHI DARIPADA SEGALANYA

*Assalamualaikum Warahmatullahi Wabarakatuh
Bismillahir Rahmanir Rahim*

ALHAMDULILLAH! Rabbil 'Aalameen, Wabihee Nasta'eenu 'Alaa Umuuriddunya Waddeen, Wassalaatu Wassalaamu 'Ala Asyrafil Mursaleen, Sayyidina Muhammaddin, Wa'ala Aalihiee Wasahbihee Ajma'een, Waba'du.

Kita bersyukur kerana dapat pula menyambut Tahun Baru Hijrah 1426 dalam keadaan yang penuh sejahtera. Tidak ada nikmat yang lebih bererti dari nikmat sejahtera. Orang sejahtera adalah orang yang berbahagia. Tidak ada bahagia tanpa sejahtera. Sebab itulah, Nabi Sallallahu Alaihi Wasallam mengajar kita supaya berdoa memohon afiat, afiat di dunia dan afiat di akhirat. Afiat itu ertinya ialah sejahtera.

Lawan kepada sejahtera pula ialah segala macam kesulitan atau segala macam ketidaktenteraman. Peperangan, pergaduhan, jenayah, bala bencana dan pelbagai lagi rupa krisis dalam kehidupan, adalah semua itu penggugat atau pemusnah kepada kesejahteraan.

Oleh itu alhamdulillah, berkat komitmen kita kepada kebajikan dan amal takwa, maka Allah telah mengurniakan kita serta negara kesejahteraan yang sangat diidam-idamkan itu.

Marilah kita pelihara baik-baik kurnia ini dengan memberikan apa sahaja bentuk perhatian atau usaha yang boleh menjamin kelangsungannya.

Jika melihat urutan peristiwa sepanjang tahun 1425 yang baru sahaja kita tinggalkan, adalah dunia ini benar-benar meminta perhatian kita, supaya ianya tidak dibebani dengan 'hutang-hutang kejahatan' yang terjadi di sana sini, berupa peperangan-peperangan, pengganasan dan seumpamanya. Lain lagi yang terjadi bukan disebabkan oleh tangan manusia seperti bencana-bencana alam yang datangnya dengan semena-mena.

Paling mutakhir ialah bencana Tsunami. Ia seperti menutup lembaran tahun 1425 dengan suatu mesej penting, supaya manusia ini sedar bahawa kuasa Allah itu adalah melebihi daripada segala kuasa.

Inilah iktibar sepanjang zaman, kita janganlah mengabaikannya begitu sahaja.

Kita menolak sebarang 'pendapat celupar' yang tidak mengakui perkara ini datangnya daripada Allah. Kita umat yang beriman, jangan sekali-kali terpedaya dengan tanggapan yang sedemikian itu. Sepatutnya kejadian yang seperti ini akan lebih-lebih lagi menghampirkan kita kepada Allah dan mengakui serta menggeruni kuasa-Nya, bukan menolaknya.

Oleh itu, marilah kita menjadikan tahun 1426 ini sebagai tahun menerima kenyataan dan bahkan tahun keinsafan serta juga tahun untuk kita memetik segala iktibar daripada Allah sehingga janganlah ada lagi yang tercicir walaupun sedikit.

Kita tidak boleh memperkecilkan iktibar, kerana asasnya adalah luhur iaitu petunjuk. Dan petunjuk pula bukanlah datang dari siapa-siapa, melainkan ianya langsung dari Yang Maha Bijaksana jua.

Inilah caranya kita berfikir untuk memperoleh hikmah yang sangat berharga. Cara ini perlu ada jika benar kita ingin menjadi bangsa yang selamat dan bahagia.

Untuk akhirnya, beta dan keluarga beta dengan tulus ikhlas mengambil kesempatan mengucapkan Selamat Tahun Baru Hijrah 1426. Semoga kita semua beroleh kebahagiaan dan kesejahteraan di dalamnya. Amin.

Sekian Wabillahit Taufik Walhidayah Wassalamualaikum Warahmatullahi Wabarakatuh.